

子良詩存

子良詩存卷三

番禺馮詢

乙未元旦

萬里竟何事一年今又春  
蕭條過壯歲辛苦作閒人  
仕爲養親急家緣好客貧  
忽驚肝膽在漸老益輪囷

將歸嶺南畱別濟南諸名士

春秋佳日水雲隈  
王後盧前結伴來  
百戰關山譚子國  
三年風月晏公臺  
愁多易減登臨興  
詞盡先慙著作才  
最是離華拋不得  
柴門終日爲渠開

四十頭顱萬里身鄉關回首轉傷神全家進退維艱日  
一箇窮通未定人久悟功名消氣節要求方法去貧賤  
此行敢道還山好祿養經營尙爲貧

啓行已晚由南關抵西關遂宿

已離家尙未離城草草登途不算程去有餘思緣任久  
貧無長物喜裝輕疲驢繞磨空千轉老馬當轅又一鳴  
卻語驛亭金色柳年年壓線重煩卿

客路

客路無昏曉栖栖車影單暗雲成日暮微雨足春寒身

賤辭家易途長得店難胡爲生海國不辦一漁竿

過荏平懷馬賓王

茫茫秦縣古山川雲散風流感昔賢過客殷勤尋馬氏  
問誰風貌似鳶肩焚餘幸有匡時草才富偏無買酒錢  
相者尙聞嫌早過幾人功業及華顛

過聊攝懷魯仲連

魯連風義倘堪追屹屹高臺百尺餘爲客登臨今我在  
替人排解古誰如千金豈買無雙士百戰應慙此一書  
陡覺泱泱風在抱轉教湖海氣難除

澹州旅次留別招銘山大令時大令攝篆武陽

握別纔逾歲曾勞問訊勤艱難長作客慷慨又逢君春  
色愁今雨征途入暮雲縣門遲未進先喜政聲聞

長官真卧治

予陵晨造訪  
主人猶未起

客子早登堂草上公庭綠花

環吏案香政成隆最考心老淡名場依舊書生氣論文  
夜未央

一錢猶鄭重劉寵節能操卽此良朋饋庸非赤子膏民  
方思衣被我亦感綈袍忽下窮途淚無成空佩刀

大令  
將去

仁邑人有袍傘  
之送故及之

話已傾三日心猶戀一程因君自郡役送我濮陽城隻  
影爲遊子全家仗友生從來重信義明日訪侯嬴

路出  
汴梁

黃鶴樓題壁

大江東去日西流百感茫茫不可收萬里一身長作客  
五年三度此登樓陵空便去誰如鶴小立旋飛我亦鷗  
碌碌早防仙子笑題詩何敢姓名留

夜過洞庭

向晚入洞庭莽莽水天色餘暉抹殘黃寒月紛淡白三  
巴渺無際九疑黯已失長林訝巨魚吞舟勢相逼舟人

滿掛帆風利泊不得四顧何茫茫寸心轉慄慄風塵落  
拓身湖海蕭條夕悄然掩篷去恐被君山識

長沙懷古

枉教經濟歷時英宣室難回聖主情兩漢文章千古重  
三閭幽怨一身輕從來志大才難用畢竟年高氣易平  
纔壯便衰卑濕地傷心甯獨爲先生

見峭壁上人家就巖成屋有作

此窩誠可住安樂又何加歌哭已幾世猿禽如一家無  
橋通市井有路入煙霞時見山妻出嚙嚙戴野花

聞劉晉卿同年惡耗半載矣過清遠欲慰問其家  
舟人以趕程不肯泊悽然成詩

終疑蜚語屬傳聞情極翻期事未真或恐戴逵星處士  
誤呼陽五古賢人正思阻勉酬知己同是艱難奉老親  
名業無成哀樂逼中年何事不傷神

與子襄從兄話舊

浪擲韶光四十秋茫茫人海未停舟年時竹馬嬉遊伴  
今日相逢半白頭

竹墅蘭堂戀石門無端拋卻舊田園雞豬魚蒜都嘗遍



始憶吾家老瓦盆

臯比坐擁半生過自歎身長與墨磨一領青氎君莫棄  
先人手澤已無多

問病詩投杜玉田

見

南方卑濕地三十便爲衰屈指我與君皆已逾衰期既  
衰例得病病亦何所悲我恃腰腳健奮跡萬里馳瘡孔  
卒千百自顧無完肌逸者病亦樂勞者病益疲君閒易  
生病病久閒更宜君才無不可卽病亦足師

我歸初見君君謂病勢沉對我談病理議論紛古今我

意頗謂君無病而呻吟既而退自想君病良已深功名  
痼爾志妻子煎爾心千憂百感集實勝二豎侵縱有五  
石散何以消煩襟

君之病固多卻不在肢體文章忌太好君必求滿美處  
世忌太真君必見根柢君自謂完人疵累眾所指所如  
輒不合貧則有病理薰以香自燒膏以明自燬解識君  
病源安用手足啓

君少習醫學我謂殊不應委心而任運何必勞神形郭  
璞死星相嵇康死養生趨避既無術調護亦無靈豈有

愚藥餌足與命爭衡天死爾生之天必如且憎令爾親  
疾苦使知命有憑或者謂良醫功與良相并以手援天  
下君謂能不能

我固不知醫醫君或有道仍用今人方惟一味甘草不  
瞑眩亦瘳如明哲可保豈無換骨丹慮非時所寶何必  
憂患生但求安樂老此真涉世方服之悔不早

喜晤吳石屏

江湖一落鬢成絲握手論心幸不違及少壯時遊子合  
極波濤處故人歸司鐸性耽泉石陶宏景詩入家庭東

廣微

出示詩卷多  
悲歸奉母語

便是寒氈聊暖席  
匆匆勞燕太分飛

各因貧甚方求仕  
仕轉增貧更奈何

兼謂  
菊湖

上界已聞官

府足中年空悔別  
離多雜猪魚蒜全無味  
猿鶴蠹沙亦  
易訛辛苦讀書長乞食  
一生慙愧力田科

抵南雄

又別鄉關去艱難路正長  
舟遲嫌岸曲城近覺山忙  
枯竹亦孤立殘梅空冷香  
思親防舊淚不敢理衣裳

十八灘石歌

灘河一綫輕舟入灘水  
滔滔石岌岌憶我曾經四度來

十八灘成灘八十一回不似一回遊一灘更有一灘愁  
艱危闕後亦忘卻觸目偏驚舊石頭胚渾嵌竈竈姿態  
石亦鍾靈天地內擊石曾聞奏帝廷磔石猶思效邊塞  
不然刻作有道碑立言立德石不衰不然石去爲仙佛  
生公說法初平叱胡爲埋沒沉諸淵似欲砥柱障百川  
明知情天不可補豈有恨海還能填黃塵更變白石爛  
幾輩飄零發長歎枕漱難償孫子荆磋磨已困劉公幹  
嗟爾在水胡不在山在山危磴水危灘崢嶸頭角何太  
頑直使九州四海知有行路難石兮爾莫矜誇氣奇矯

市人見爾胡盧笑

過大小孤山

去年經大別小別今年經大孤小孤卻指孤山語孤客  
年年作別胡爲乎大江突兀聲長驅孤山出沒勢欲無  
山明水淨尙如此颶風陡作夫何如孤山不孤客始孤  
下有金焦上匡廬仙山絡繹住仙眷此不能住求蓬壺  
浮家泛宅豈易事乘風破浪空驚呼元龍身世亦偃蹇  
雖有豪氣沉江湖

山車行

雷霆撼地光射空  
火星爍爍燒羣峯  
車如龍馬如虎  
蹂碎泰山作塵土  
車中坐者弱書生  
縮頭掩耳搖心旌  
轉看談笑御不驚  
飛巔走險勝履平  
嗚呼山亦有時平  
石亦有時泐萬古  
不磨車馬跡卻愛  
車輪只是圓頭角  
磽磽笑頑石

泰安題壁

衣上猶存舊驛塵  
三年兩度此勞薪  
空拋壯歲爲遊客  
重見名山似故人  
道路蛇盤難託足  
功名雞肋亦纏身  
得歸便擬圖耕稼  
卻聽荒農苦詔貧

黃山店題壁

久家賓館當鄉園漸卸遊裝轉惘然  
早歲得歸愁赤地故山回望在青天  
亦知北道難爲主可惜東坡未買田  
料想妻孥頻拂拭似畱殘雪鬢毛邊

遊千佛山

散花臺榭落花天重叩禪關續勝緣  
幾日不聞蔬筍味萬家全改柳榆煙  
青環謝朓看山屋綠滿蘇秦負郭田  
一覽便思窮海岱轉教豪氣集幽燕

黃秋浦被議傷貧詩以寄慰



閉門咄咄只書空差勝天涯逐斷蓬頃刻炎涼鄒子律  
尋常得失楚人弓亦知有好終爲累眞覺無文可送窮  
鼎食鼎亨男子事最難幽抑老塵中

一蹶霜蹄骨亦寒廿年辛苦據征鞍卽今日近長安遠

從古天高蜀道難

秋浦大挑一等分發四川  
留京會試旋因事被議

金盞可能

長作客錢多容或好於官世人不棄君須棄破甌何曾  
見復完

老禿今方笑管城文章思與世爭榮頓增謝傳中年感  
長聽劉蕡下第聲萬事推殘餘愧悔一身遺累是聰明

了無長進頻離合相對驚看太瘦生

招王秋槎鄒蓉閣宮作梅衛之泉舅氏小集大明

湖上時秋槎與之泉舅氏皆將出行席中賦別

兼寄子梅

又結遊蹤上古亭盪胸雲水太淒清恨無謝朓驚人句

忽憶汪倫送我情

去歲南歸子梅蓉閣借同人餞予於湖上

三月鶯花忙裏

過十年哀樂暗中更能來莫便忽忽去月到湖心始大明

久耽泉石厭塵勞終恐漁樵笑我曹開到荷花偏客散

長成蘆葦比人高只除短棹無長策卻是清流愛濁醪  
浪說幽棲仍習氣功成方許賦東皐

七夕感懷適接子梅書卻寄

微月上屋角寒蟲鳴唧唧萬物頓悲秋雙星正當夕遇  
合豈無期遲暮已可惜蒲柳搖舊姿瓜果貢新色觀彼  
節物變感此歲月積年時乞巧人轉瞬半頭白

牛女善耕織乃至無聘錢衣食况不給徒爲妻子牽才  
難奪天工家復無天田豈有團圓樂反勝天上仙惘惘  
出門去安知路幾千回首語妻子飢寒使之然

別時且勿惜別路當奈何在天有霄漢在地有江河江  
河遜霄漢天上無風波風波既不作更有鵲橋過卻笑  
語烏鵲毋乃太摧磨何如雙鴛鴦並浴聲鳴和

后羿既射日其妻乃奔月胡爲同室人嗜好等秦越合  
久志易歧離多思愈結祿此不盡歡庶得長生訣所以  
常隕星不聞牛女滅卽看日月行晝夜各分轍朝朝扶  
桑津能勿惜離別地老與天荒此情永不絕

五年逢此夕五處作客子故鄉渺何處銀河望卽是因  
思牛與女盈盈隔一水不知相去程已越千萬里待久

終及期夢想倏至止我有素心人適報書一紙相思儼  
相見在遠忽在邇獨惜此良宵各負風月美握手無限  
期差勝天上耳

送衛之泉從舅南歸復之饒州幕

去住難憑計總差已傷零落况天涯胡奴有米聊餬口  
季子無金亦返家久信文章憎命達可能衣食仗才華  
謝錫何舅無窮意悽絕行蹤散似沙

風雨孤檠對榻眠每談骨肉思憂煎自身莫贖徒雙淚

刷慈木生慈  
相繼見背一事無成又五年縱有機緣羞執釜轉因

勞碌戀寒氈愁深兼爲兒孫計師去遺經恐未傳

兒輩皆從

業受

翩翩遊幕入匡廬也算功名願不虛令我轉悲慈母檄  
如公應聘使君車江山漫喜才能助湖海終嫌氣未除  
卻語行裝休壓紙從來難用是儒書

送君揮手便長征身世茫茫百感生放浪且傾河朔飲  
纏綿偏有渭陽情窮懷寒鵲投林意飢作哀鴻下澤聲  
不是臨歧兒女態唐衢幽怨本難平

謝問山秀才以歸里營葬詩見示賦此贈行

秋聲騷瑟黯銷魂憶着江南黃葉村千里淮湖隻身去

四朝堂構幾家存

問山世居舍積纒池村今堂基猶宋時所築

偶爲朱履新

賓客誰識烏衣舊子孫話到表阡吾重愧天涯風雨泣

荒原

時予亦將奉先慈靈櫬歸里

### 重陽書感時將南歸

旅舍蕭條謝俗塵感時倏訝授衣新無人送酒偏思醉  
有客催租豈算貧海岱飄零風雨節天涯珍重弟兄身  
登高欲出還惆悵最動鄉情是此辰

節物安排又一秋錦糕羅炬滿山頭佛將人作海鷗鳥

千佛山遊  
人最多

我與俗如風馬牛黃菊自然供笑傲自楊可

奈種煩憂朋儕屈指都雲散莫向尊前話舊遊

漸老雄心尙不灰無端離恨轉相催輪蹄倦遲官道

鼓角聲多近將臺與世悠悠殊未了因人碌碌恐非才

故山先報紅棉寺前度遊人今又來

去年重陽遊越  
秀山紅棉寺

### 登車

一醉登車別太輕衝寒誰念客孤征冰開隙道容泉去  
雪匿陰厓避日行牛喘未勞先氣餒羊亡雖得亦心驚  
傲裝自顧仍非分卅載勲名愧晏平



曉行

五更心事萬程身，辨色登途又向晨。  
櫺煙寒初有火，平原霜重暫無塵。  
眼前黑漆怕逢路，夢後青山疑笑人。  
慙愧老農先我起，無田終羨在家貧。

泰安題壁

昔題詩處已塵埃，感舊傷離恨並催。  
世路頻年堪一笑，天門幾客得重來。  
泰山南天門盡填缺陷知何日，不負平生只此杯。  
多謝危途有深意，折磨筋力鍊雄才。

蒙陰縣

雜沓罔鬪汨沒塵窮途孤客欲迷津  
我生南海無知己誰領東蒙作主人  
一斗漫嫌城裏爾十年真見樹輪囷  
全家久已遊齊魯倘有田耕卽部民

### 金山寺

金山入山不見山金迷紙醉皆旃壇  
老僧導我宛轉上逕將我入青雲間  
茫茫雲水盪胸臆長江天塹分南北  
閱盡英雄幾戰爭磨成山水全金碧  
清談晉宋始老莊禪機遂闢旗鼓營  
南朝四百八十寺此山尙未開講堂  
千年成佛難如此半日逢僧偶然耳  
開山自見裴頭陀

入座只傳蘇學士我生未喫趙州茶此間曷辨中冷水  
三千界內等凡人二十年前爲客子當時遊侶半不存  
前因後果誰能言臺上黃鶴已渺渺巖中白龍猶蜿蜿  
下船回頭長太息鬢毛愧煞青山色

京口待聞

漕河作意通漕艘漕艘朝夕紛乘湖潮退艘重安得上  
以聞聞潮待潮長聞外魚貫來民船盡因聞閉船不前  
大船當道若猛虎小船旁泊蟲蟄戶屏聲斂息待潮來  
潮來船急勢飛舞指揮放聞聞吏忙令船出入分兩行

河狹船多不受令後者懦弱前者強裂帆截棹苦相遇  
一失遂飽狂蛟在岸上喧呼若觀火潮亦助勢如沸湯  
舟中坐客盡色變身已出聞猶驚懼回頭卻看京口外  
滔滔只見江流大九派濤聲接混茫六朝山色浮蒼靄  
嗟我十載遊江湖風波歷慣成坦途絕無長物待壓石  
時或高歌同運租春水既愛桃花鱖秋風復憶蓴菜鱸  
去聞人海本萍梗俯仰天地真蘧廬無端身入津要處  
進退無權轉疑慮豈似煙波作釣徒散髮扁舟任來去

平望舟中

盪舟入平望秀野何茫茫江南稱沃土此是良田良嗟  
哉土膏腴賦亦厚輸將我聞官斯土終歲籌漕糧正供  
固難緩毋乃征太忙且復計升斗謂耗補太倉豪猾窺  
稅重奮臂爭公堂借茲催科政巧作漁利場而此蚩蚩  
氓殊不知其詳甯可竭鎔銖免吏呼門牆歸來仰屋歎  
力耕不充腸沃土尙如此何況生窮鄉天倘念民瘼豐  
年長降康低首語老農努力圖耕桑

浦江縣訪黃崙山大令同年

崙賦贈

便執牛刀亦快哉卽看游刃正恢恢知名早負黃童譽

用世方需赤緊才顧我泥塗仍戴笠爲君風雨儘銜杯  
門前父老應相笑客爾何爲入縣來

滔滔江水送華年回憶同舟此岸邊圖畫尙懷三徑宅

曾以松菊猶存圖屬題煙波重泊五湖船故人爲政民如子名士

看山吏亦仙感到解推慙轉懼清貧忍復累官錢

粵中有傳予已死者招鶴舟馳書問訊舟中翻閱

感而賦此

一痛開緘百感增爲聞蜚語哭良朋尙畱子在吾何死  
卻畏人言鬼可憎故里忽歸疑白鶴舊遊誰叩讓青蠅

東坡海外傳雖誤磨蝕纏多恐不勝

艱難閱盡輅煩襟華屋山邱醉朗吟已死更無生老病  
是人都有去來今戈揮落日何曾止酒勸長星亦易沉  
非是牢騷權作達放懷聊慰故交心

除夕旅感

豈應今夕尙風塵話到飄零淚滿巾自歎已強猶未仕  
可知雖壯不如人眼中鐙火非吾土身外奴僮卽至親  
卻喜

昇平容我醉一杯纔盡又元辰

豫章呈陳蓮史廉訪同年

繼目

鐵案精嚴玉鑑瑩太邱能政昔曾聽與民休養經三世

江省爲令祖文恭公暨觀察公舊治爲

國憂勞慎五刑雨露園扉春草綠冰霜寒暑夜鐙青  
官方澄敘知何似清絕西江是典型

帝策盈廷許冠羣早教憂樂繫斯民試將事業論千古  
不負科名得幾人理學自傳賢相業經綸誰定秀才身

廉訪自云爲秀才時卽以濟人存心黑頭卿相人間有要作承平柱石臣

新城縣訪邱仲魚大令同年

夢旃

賦贈



嚴風吹面鬢有霜路逢故人思故鄉故鄉咫尺歸不得  
故人熟視目且瞠當年科第同君起可惜無成返鄉里  
如君尙作瑣瑤人况我生成襦褐子謀生逐逐混市塵  
與君各課鹽鐵篇運籌雖善桓寬策負囊終虛荷頓錢  
等是飄零不稱意十年忽感遭逢異嗟予萬里尙依人  
同輩一行皆作吏君才合現宰官身乘車戴笠如泥雲  
自憐犢鼻爲寒士卻愧猪肝累使君春夜沉沉坐春雨  
縣齋握手情何許話到當年淪落時按劍看鐙轉無語  
側聞堂上聽指揮蒼生受福吏畏威丈夫得志小亦快

爲爾飛觥醉不辭

贈鄒慕喬同年

嵩南

塊壘全消酒在胸依然豪氣比元龍功名已了三千牘

蘆花猶縈四百峯

慕喬選博羅縣令以見失儀落職

莫爲窮愁呼負

負須知福澤是容容山林雖好歸非易卻感良朋駐客

蹤

時寓邱仲魚同年新城縣署中

蹉跎吾亦計全差落拓江湖老歲華自笑送人頻作郡  
可憐爲客等無家逢君且盡逡巡酒閱世真如頃刻花  
畢竟文章能壽世早將詩木付麻沙

贈施子昭

時就新城縣幕

未合功名沒草萊，  
遲籌翻得壯懷開。  
遨遊郡縣非多事，  
料理瘡痍要此才。  
胸貯經綸聊借箸，  
手除案牘卽持杯。  
簿書饒有詩書味，  
豈向申韓學得來。

過撫州欲迂道宜黃訪符雪樵聞已北上矣遂不

果往卻寄

偶然一敘亦前因，  
咫尺天涯莫問津。  
料想閉關難謝客，  
傳聞託鉢又依人。  
途窮阮籍塵生面，  
興盡王猷雪滿身。  
似見門閭頻倚望，  
爲君惆悵有衰親。

舊遊回首記依稀湖上樓臺客盡非  
幾輩笙歌名士老  
一橋風月故人歸  
青山失意曾無恙  
白水盟心倘不違  
今日飄零誰是伴  
獨銜杯酒看斜暉

與陳星樓外弟

延輝

話別章門

凜凜歲云暮遊子寒無衣  
長風吹大江浪挾冰霜飛  
冰霜况相逼風波已可危  
豈不畏艱難貧賤不肯歸  
天涯遇親串咄咄無一辭  
既壯不顯榮安得爲男兒

男兒重意氣亦復重錢刀  
千金爲君死百金爲君勞  
朝索王侯米暮飲屠沽醪  
平生有熱腸困極轉自豪  
昂藏

宇宙身敢自輕鴻毛

楊朱泣歧路謂可東可西君子忌暗投所以防途迷黃  
河曲又直泰山高更低世路已無憑人事安可齊被褐  
而懷玉道左何栖栖我有一把劍出入常自攜雖非干  
莫材不切沙與泥

君住將若何我行非得已既合旋復分有如章責水江  
水去滔滔年華不待爾臨涯且勿歎會見鯤鵬起離思  
逐轉蓬渺渺各千里

星樓以酒送別連日大醉狂風忽生舟中放歌卽

寄星樓

太常一年一日醉孔公一月一日醒人生適意卽痛飲  
安用計日以爲程劉伶十日亦有限平原十日何足稱  
多君平生不求飲一飲三百如康成江湖送別歎憔悴  
爲我致酒生豪情連朝醉莫辨卯酉遑問東南缺陷西  
北傾是時晴霽宇宙闊四顧江面玻璃明醉中不解作  
何語海底忽動蛟龍聽三千水族勢雜沓十八灘石聲  
訇訇翻江攪海正逼迫雖有砥柱難爲憑豈知吸盡西  
江水我更氣盛逾長鯨風姨浪婆兒女耳敢與酒客鋒

相櫻回看舟子盡色變東船西舫紛喧爭眾人皆醒我  
獨醉醉者坦蕩醒者驚嗚呼醉者坦蕩醒者驚安得膏  
騰大醉過一生

寄邱仲魚

百里亦非小一官良獨辛高堂有嚴父看汝展經綸但  
使親能悅誰言仕不貧無窮擔荷事珍重此時身  
漸喜輿情洽休將政績誇力須能拔薤心本愛栽花斯  
土沃易治凡民愚可嗟劉公不飲酒縣譜已傳家

送陳敬山同年司鐸熙寧

敬山先生骨相奇眼光滿面瘦有髭慎密靜穆常寡辭  
忽放鉅筆驚龍蛇文字無權噫可悲公車七上頽然歸  
未能經世爲經師環擁詩書坐皐比糟糠養賢豈所宜  
苜蓿有味聊自怡弟子鵠立迎絳帷熙寧遠望宮牆基  
紫金山色呈朝暉吾粵文明宅南離惜哉文富土不肥  
熙寧地最貧瘠讀書不免憂寒飢士多挾策走天涯無田安沐  
化雨滋先生說士甘如飴寒毳一領官則卑亦知教化  
善轉移卻以何術援癯疲吁嗟賤子衰朽姿殘衫落拓  
遊京畿相逢爲我頻皺眉論心促膝聲歔歔別又五載



年光馳卽今返棹珠江湄恰是先生之任時臨歧握手  
同依依謂我贈別必有詞敢爲先生進一卮愛才心事  
願勿衰才人志士例數奇文章一代要主持務使雌伏  
皆雄飛君亦自奮騰天池先生行矣幸勉之賤子雖愚  
言不欺

啜茗圖照爲錫田從弟題

吾弟十五二十時聰明百事無不宜嗜好卻在鹹酸外  
冰甌雪椀標清姿吾家昔寄河南寓屋角門前盡茶樹  
豐年長聽採茶歌可惜無田不能任吾兄學治推吏才

子臯宦遊挾弟登蓬萊當官只飲茶七品去任惟餘水  
伯兄一杯弟於兄事能終始推以腹心任臂指兄也從仕只  
五年弟也服勞輒萬里茶肆雖懷碧餽香勞勞過客安  
能嘗就中山水最險處合我言之摧肝腸大江浩蕩天  
南北旦夕風波不可測弟爾扁舟獨往來有似浮梁賣  
茶客炎風朔雪陵陰山腥羶雜噉人語蠻

朝廷邊禁重茶權弟爾曾出居庸關卽今閉戶無同調  
自註茶經寄吟嘯心源疏滄品自閒嗟爾才華正年少  
頭顱四十爾之昆尙作東西南北人鬢絲禪榻亦老大

石泉槐火空時新披圖爲爾色飛舞生氣蓬蓬發花乳  
肥醲甘脆等腐腸有味不如苦茗苦

鶴舟歌贈招鶴舟

江行六月天如熾與鶴同舟得秋氣鶴兮風骨本昂藏  
局促扁舟亦何意橫溪溪水清且漣溪頭老松生古煙  
逋仙樂此任仙眷養成鶴子真踟躕敢愛羽毛疎骨肉  
萬里尋兄身逐逐冲風過海不憚勞爲有高堂書繫足  
眼前湖海流湯湯輕身屢踏雲水鄉雲水無情風復雨  
爲君冷作枝頭語江干有網鴻則雁莫誤求魚入煙渚

一舟險仄灘復灘，爾安知行路難。  
江湖雖好急歸去，故山有戶無人看。

苦熱

滌情久冰雪，揮汗偏塵埃。  
不知今日熱，當由誰帶來。  
炎陽苦炙地，亢旱愁爲災。  
身熱或能避，心熱難可裁。  
安得大王風，吹我陵高臺。

桔槔吟

桔槔日夜鳴，似怨無知音。  
其勢苦岌岌，飢渴爲己任。  
欲吸東海波，直灌西山岑。  
力旣足沾溉，澤亦隨淺深。  
愚農

德穰鋤桔槔非所欽轉嫌是旱物安識救時心嫉之棄  
若仇急則復相尋用捨豈已由毋乃太升沉桔槔不能  
言我代爲之吟

舟中望匡廬作歌

雨風離合羅浮道有約不到疑神島家山如此况他鄉  
坐使廬山笑人老扁舟高唱大江東大江洶洶陵天風  
澄清江水掃雲霧仰首瞥見千芙蓉層疊卻阻錦屏障  
縹緲欲炷香爐峯忽驚瀑布三百丈倒瀉入江爲白龍  
我聞廬山至善變幾人曾識廬山面雲煙過眼本迷離

呼吸通靈况隱現世間五嶽何紛紛廬山屹立迴不羣  
江山風月固有主造物以此歸匡君後來遊者踵接跡  
最數淵明與太白名山只合任名流嗟我凡材居豈得  
十年湖海恣浪遊靈竒涉獵過卽休茲山無緣亦已矣  
一旦突兀生船頭覽青憑翠流連久快事平生未曾有  
撲面先澆十斛塵放懷且盡千杯酒最高峯裏疑有人  
霞錦作衣雲滿身山遙水遠不可辨或是山鬼山之神  
恐神問我更何處急掩篷窗出江去

秦淮曲

泛舟入秦淮影何迷離淮中日落未落時兩行樓閣  
炫玳瑁一片水波澄琉璃水光漸黑燈光起照見秦淮  
盡紅紫紅紫霞裳雙鬢鴉美人度曲客勿譁細數金陵  
前代事重吟玉樹後庭花歌舞壇場文學府終古風流  
屬斯土一語南朝愧北朝可惜才多頻易主鶯花六代  
歸何人松柏千官剩古墳舉頭還見秦時月忍使豪情  
遂消歇聽歌忽報夜已闌頓覺蕭蕭淮水寒千年舊國  
情難已幾輩新亭淚未乾興廢從來類如此莫指秦淮  
爲禍水有恨雖然是女兒無愁畢竟惟天子繁華閱盡

水悠悠且整蘭橈出石頭紅樹青山君莫顧秣陵煙景  
易悲秋

途次別招鶴舟

不肯埋鄉里南舟更北車黑頭男子業黃耳弟兄書故  
國遠天外征途寒雨餘愴然分異向歧路轉心虛

記得黃姑夕同悲白帝秋吳山况增感楚客本多愁雲  
影閒如此江聲去不休南來何限客鞭足斷長流

此去青州路憑君問孔融文章徒復爾尊酒豈宜空有  
客才能賦無門刺未通孔顏誠足樂何事亦途窮



飢餓長腰米單寒短後衣家貧多聚散交寡重依違念  
汝質殊弱嗟予髮漸稀他時遙寄贈第一是當歸

口占送鶴舟之臨朐

兵車百戰剩殘山今日時平牧馬閒看爾書生單騎去  
蕭蕭雲樹穆陵關

追感知魚道士

纔信天台路易迷回頭境已判雲泥火邊秘訣超龍虎  
塵裏凡材剩犬雞綠樹成陰思舊夢蒼苔絕跡想幽棲  
先生休矣吾將老盍棄勞薪買杖藜

新泰道中曰暮有作

平生不識日入世常低頭日偏要見我到地不肯收依  
依戀木末忽忽沉山陬日車不可挽我行殊未休安得  
魯陽戈義馭爲我留

山店曉發

萬壑擁孤店開門銜影淒日偏遲客出山竟與人齊莽  
莽樹一色淙淙泉幾溪微聞僕夫語曾此折輪蹄

夢天

終日陵山行不覺身上天天門至洞達天路何蜿蜒中

有空同子招手導我前三十六天宮一一供流連飲我  
漿沈澀着我衣踟躕問我何所欲贈我元珠元上界足  
官府下界爲散仙求仙不求官學道志頗堅功名與富  
貴敝屣同棄捐忽復念妻子百慮旋紛纏頽然竟墮地  
乃在山之巔仰卧見星斗歷歷次舍躔似爲我惜別及  
晨皆黯然

蝗

車行入田間初見蟲甚微三五巧跳躑稚子羅爲嬉行  
行見蟲集勢漸如合圍農人遽色變叱咤爭指揮羽翼

既已成欲禁何能爲蝗蟲所過處場圃無粒遺野老長  
太息可惜稻梁肥

稻梁實民天汝蝗何逐逐上天既產汝豈無以養育在  
野有邪菜在山有惡木食之除世害亦足以果腹不然  
食糧莠轉可衛嘉穀此則功在民田社遍尸祝胡爲覓  
一飽忍使萬家哭

家家具牲俎處處祈蝗神蝗蟲殊未盡神已居奇勲蝗  
少曰神喜蝗多曰神瞋神喜蝗食穀神瞋蝗食人食人  
勝食穀神未知其因食穀殺萬命食人殺一身神既享

日長言卷三  
三  
一方義牧一方民神食民牲俎蝗食民禾困爲神毋乃  
愧語神神不聞

由濟南入都途次秋感

萬里初歸更別家忽驚黃葉換年華  
寒沈馬影馱秋劍  
碎碾蟬聲走暮車  
北道杯盤餐餽飢  
西風禾黍刈瑯琊  
征途冷落休憔悴  
鞅掌前頭路正賒

買田無力苦飢驅  
東海魚鹽利亦虛  
災歉已經連歲後  
倉皇况值用兵餘  
自慙短計難爲客  
豈獨長安不易居  
曾是舊時遊幕地  
板橋衰草戀窮驢

瓠子誰歌漢代聲  
旱乾漕挽滯官程  
幾人曾讀河渠志  
三輔方憂粟米征  
治水楊蟠非善策  
理財劉晏有能名  
書生珍重談經濟  
莫被旁嘲紙上兵

寒鐙破屋夜荒涼  
觸撥鬕愁轉熱腸  
警客用風狂似虎  
累人名利狠如羊  
暑來紙尾能無愧  
漸向才頭恐易傷  
一奉簡書猿鶴散  
不知何處是山堂

都中十一月十四夜步月書所見

山肴海酒雷殷車  
長安無地容寒儒  
典衣買酒入燕市  
眯目閃爍紅氍毹  
氍毹艷冷霏玉屑  
叢冰結凍土砢砢

過眼空孤鄒杜花舉頭忽感幽燕月是時燭盡月倍明  
寒光射面酒亦醒停杯看劍慘無語結伴偃蹇街中行  
行行轉過西街西街啞兒夜啼兒啼非獨悲寒飢  
飢寒有母爺未歸九州人物萬里客聽此不覺魂淒迷  
西街小兒勿啼哭東街小兒正歌曲千金教曲買阿侯  
教成盡入菊部頭兒啼兒歌亂如雨畢竟笙歌爲樂土  
人生好月能幾回世事浮雲自千古君不見邏街街卒  
冷不苦拋柳起作天魔舞

戊戌三月出都將之任永豐賦懷四律

百里新除畏轉加無才差幸得無華功名只辦一升飯  
滋味初嘗七品茶已棄田園長作客豈應官職便爲家  
清時不敢圖高卧早晚殷勤聽報衙

期許平生未肯低卻將何術濟羣黎舞防空客羊公鶴  
啼恐傷人賀傳雞朱重墨輕良易誤公長民短况難齊  
飢驅我識流離苦忍使哀鴻下澤棲

頻年幕府跡盤桓心血消磨墨亦乾說尹漫言從仕樂  
依劉早識愛恩難便能啼笑憐中婦敢以聲名事土官  
最是家風忘不得兩傳廉吏久清寒



蕭蕭行李笑裝輕  
載得良朋贈別情  
河朔酒豪知客減  
江西詩派比官清  
三千案了知何日  
十八灘多慎此行  
恰好種花時節去  
更將春信報春明

檀欒洞天石歌爲張小餘大令

薦案作

太璞示人人不識  
奇石燦作黃金色  
轉因剝蝕通神靈  
豈肯雕鏤借人力  
嗟予四十老風塵  
途窮金盡氣不伸  
五都走遍只空返  
雖有至寶如浮雲  
偶戀林泉駐涉水  
眼前瞥見一峯峙  
頓喜巉巖人手來  
忽驚海岱蟠胷起  
神物有託王者誰  
張侯向我談石理  
無人如悟三生魂

爲我顯現一彈指石兮爾旣生洞天胡爲混跡入市廛  
胡盧恐招周客笑怪拙能使米老顛我聞張侯遇此寶  
欲購不得遲經年紛紛俗眼摹秦漢美玉還同砧砧看  
尋常世寶且莫分石室眞言誰贊歎張侯得此會有緣  
慎勿徒供耳目玩

子良詩存卷四

番禺馮詢

堂銘

堂有嘉賓野有飢民毋誇爾殺雜然前陳  
雪歌風舞冬裘夏紵赭衣之人淚下如雨  
極苦非艱極儉非慳念我此身來自田間  
撫茲堂署沉思深慮如何能來如何能去

求己圖爲陸楮岡題

陸生蓄志好詩畫暇日示我求己圖君言萬事只求己

乞詩畫非求人乎名流題遍索到我我自求之枯腸枯  
欲題擱筆忽大歎賣文我已廿載餘求人求已百不遂  
剩此四十疲頭顱卽今強顏覓升斗卑官踟躕如奚奴  
羨君遨遊人海上不仕不隱行歌呼偶借人詩寫已照  
謂已以外無所需雖然我更進一解區區自守仍迂儒  
本無人相無我相安用求之心轆轤刻舟求劍已固叟  
吹毛求疵尤鄙夫不如痛飲三百壺大放醉眼看塵途  
萬形碌碌總傀儡雨大落落眞遽廬安知笑人有鄧禹  
慎勿哭世爲唐衢得失窮通等閒耳無求乃可忘形軀

卻念非人卽是己  
爾無求豈天爲徒  
詩成坐歎忽復笑  
笑我今我原故吾

輓徐蓮峯太史同年

寶善

軟紅塵裏記傾觴  
回首蕭條翰墨場  
一卷詞林新樂府  
百年遺直舊彈章

曾官  
侍御

君今論定歸青史  
我亦愁多種  
白楊爲問他時誰  
腹痛淒淒荒草泣  
殘陽

虎踞圖爲楊裕堂都閫題

世人不識虎談虎  
無不驚誰能對虎  
繪虎形舉頭爲城  
掉尾旌踞地殷殷  
飛雷鳴偉哉畫手  
眞寫生披圖颯颯

腥風腥拚力爲虎傳先聲將以媚虎虎不應豈知虎有  
虎性情虎性情不悍怒內心善外威武屏除惡獸不噬  
人四境安閒賴有虎

郡館雨夜

寒雨有酒力中人生古愁江山幾回路草木十分秋客  
燕豈甘去飢鴻方有謀明明是官舍夢入白蘋洲

題蔣補庭小照

自少至老按歲  
寫照彙爲一圖

名利磨人苦不足從來難保真面目琢削能令瘦佛肥  
飢寒動使騷人俗先生清操安可攀終身託興泉石間

未分屏風寫老大要從粉本憶童顏如畫鬚眉竟如此  
歷歷前遊試屈指窮通得失態萬殊總是人間好男子  
於今湖海仰高風聞名未睹慕則同何不繪圖過持贈  
免得家家畫放翁

題鹿春如觀察

澤長

同郭羽可中翰

侯晉

遊鍾秀

峯記後四首卽送觀察之任潼商

凡眸但仰秀安識天地鍾名士得聞氣大官爲動容宣  
風按十部資谷尋孤蹤相與覽勝跡因之登奇峯  
凜凜古泰岱鉅公生是間慨然念南國揮手出東山爲

治酌寬猛與民區秀頑愚蒙不解頌但笑隨轅攀  
從此在人口榮談駐高軒流連召伯樹指點謝公墩百  
姓已再熟故人宜一尊濡毫記其事遂與此峯存  
政至文章伯豈能一郡私使君不可借下吏來何遲悵  
望潼關路低徊恩水湄行將衍公德常恐民瘡痍

層山道中寄郭羽可同年

欲踏芒鞋已未能峯巒雖好約誰登親書一紙投高士  
問住名山第幾層

贈吳小我

別



君才豈合計銷銖借箸偏煩聘後車宰相莫輕錢穀事  
闔闔方上阨貧書眼中塵土犀能辟夢裏文章錦不如  
愧我山資籌未得可能相約閉門居

天遣多情點亦癡每談朋舊思依依十年浪跡黃壚酒  
一種風騷白衿衣結社願爲陶靖節傳家誰似謝宏微  
如何世守靈竒筆不使頽龍破壁飛

題吳小我得秋館詩集

拚作東野瘦休嗟北郭騷沉吟語之子重荷屬吾曹文  
字賣不盡風塵行亦勞何時結詩社相與賦東臯

由縣抵郡途中漫作

繚繞村居駐客行，今宵風味昔年程。  
案頭一椀堆花酒，似覺不如前度清。

敢畏馳驅跋涉難，風塵逐逐路盤盤。  
耕人見我莫相訝，我爲無田方做官。

羽可同年屬題畫竹冊子

咄哉伶倫亦多事，無端截竹爲樂器。  
便作明堂清廟音，忍拋白石清泉地。  
老可才人中翰官，置身雖貴神則寒。  
已向

彤廷陳簡策更尋幽谷畫琅玕官職聲名都入手卽論  
畫本家家有卻畱一本示兒孫怕使清聲落人後當年  
老可竹擅長後先輝映墨有光要將瀟灑風流韻盡入  
清虛靜定堂羽可  
堂名吁嗟我聞一分屋種三分竹我今無  
屋竹安屬風塵執掌日勞勞安得如君享清福一枝欲  
乞作釣竿不然作笠拋儒冠賞心擊節空復爾把臂入  
林良獨難清風故人渺何處展卷殷勤爲君語願君長  
作竹主人我學王猷看君去

下鄉催征客館偶作卽示鄉中紳耆

終日勞勞得小休，便開賓館接名流。敢誇世識元才子。

諸生來謂謂耳  
余文名久矣

翻訝人迎郭細侯。

父老沿途迎接

作宦清貧兒

女笑催科遲鈍吏，胥憂登堂卻羨婆。婆老從不離鄉便。

白頭

老翁來見問  
年九十餘矣

滿眼春陰綠四圍，故園忽憶素心違。當官有俸慙何補，  
負郭無田苦不歸。千頃喜看雲黯淡，一鐙愁動雨霏微。  
馮謹而義吾家法，但事沽名計亦非。

贈蔣耘苔秀才

其辭

無端拋卻好山邱，囊筆飄零事遠遊。愛客誰能開蔣徑。

賈田只合住常州

蘇常  
州人

過江人物如雲起入洛年華

似水流贏得此身風骨在翩翩猶許帶吳鉤

胷次羅星面撲塵英雄回首總傷神三千世界茫無路  
八百單寒大有人黃酒漫爲孫楚醉賣文何益長卿貧  
鶯飛草長年年慣莫向江南更惜春

送謝湖東歸里

君少作遠行我尙守鄉里及我向風塵君又賦歸止半  
生奔走竟何爲今日相逢皆老矣老去回頭易斷腸江  
湖雖好遜還鄉事後追思曾幾日尊前爛笑各千場一

從遊侶飄零後多少紅顏都白首青衫重認點斑斑知  
是淚痕還是酒花田珠海今付誰與君既合旋復離廿  
年我賣長門賦一樣君穿短後衣苦求薄祿仍蕭颯故  
人問我何辭答昔日春遊未繪圖久有爲予作春遊圖之約今宵夜  
話重聯榻話到鬢淒不忍聽簷前雨黑鐙轉青知君空  
擅丹青手舊恨新愁畫不成得失窮通何日了無端破  
涕翻成笑陽五文章鄒五官世間怪事誰能料與酣擲  
筆休悲呼塵中知己無處無題詩且作弟兄照乞書居  
成主客圖眼見故人歸故里我尙遲遲非得已熱腸有

酒不能澆爲君吸盡西江水

與符雪樵話舊

天涯投契舊招邀出處雖殊幸匪遙交誼似金磨始見  
歲華如雪積潛消未逢變化龍仍懶終悔防閑馬不驕  
往日崢嶸好頭角無端贏得鬢蕭蕭

記得齊州又薊都並行何處不窮途甘書紙尾真殘客  
解擲纏頭亦丈夫成事豈能憑碌碌狂歌只合唱嗚嗚  
壯遊畢竟英雄事一醉三舟過五湖

於今鄉國任徘徊便擁鼻比亦快哉行樂烏提壺去

授書羊奉束脩來，暫停遊跡聊充隱。屢蹟名場倍愛才，  
巖嶺白雲江自水。不知懷抱爲誰開。

疎慵誰道牧民宜，撫字催科事事歧。何苦外州作官客，  
卻愁下國夢飢兒。麈頭似我羞臨鏡，驢背輸君滿載詩。  
楊柳兩家禾百畝，可能相約十年期。

老鶴歎和吳小我

射生健兒好身手，腰佩金髀作狂吼。飛空一笑毛滿天，  
不識烏雛生八九。吳子愛物如愛人，胸中物與人同春。  
舉頭瞥訝金光起，爪灰羽盡揚紅塵。我聽君歌感君意。



破巢毀卵休驚異愛物雖然老佛心射生終是男兒事  
君不見揚州貴人古曹公乘輿局促悲填胸自言年少  
騁遊俠餓鴟之箭霹靂弓又不見翩翩吳下張公子萬  
卷傳家空故紙行年三十不成名慨慷臂鷹聊自喜封  
侯要封羽林郎殿前立射軀昂藏定將騎虎枕蛟去肯  
爲哀鴻病鶴傷吳子悽然重語我亦知不測惟奇禍可  
憐羽翼正長成纔避網羅旋着火我聞此語轉歎呼嗟  
哉老鶴誠何辜九州四海盡塵網安得便與天爲徒水  
深火熱偶然耳避凶趨吉胡爲乎請君放眼觀物類焦

頭爛額無處無

己亥秋闈分校

玉尺分量手白拈沉沉秋氣逼重簾絕無依傍文章肆  
賴有關防格律嚴得失窮通千里判平濃奇淡一時兼  
明明上是虛堂鏡照膽曾誰敢避嫌

只恐明珠歎暗投探珠先自洗雙眸憑君放筆休紅勒  
有客窮經已白頭牛斗光高原易見豫章材大倩誰收  
颯風一起羣仙謫惆悵江天獨倚樓

茫茫仙路有無中爲予雲梯一綫通燭怪莫逃牛渚火

愛才終借馬當風能知甘苦差無憾尙有沉埋敢計功  
縣布從來豈不易偶憑推挽亦陵空

名場遲鈍更登場轉憶成名暗自傷百里艱難三載考

一莊慙愧廿年荒回頭勞瘁塵如海通籍後奔走四方幾二十年矣徹

骨清嚴夜有霜卻喜蕭條舊桃李依依猶得傍門牆鄉試

座至吳淪齋師時督學西江

送張清湖年丈應秋歸里

此去真堪醉百罇談何容易返田園幾年食祿身逾瘦  
一似辭官品更尊風雨能來他日約水雲無恙故山存

尊鱸有味曾誰識張翰君應是哲孫

廣文官况冷於冰回憶塵勞往日曾恩愛或應留父老  
歡娛何處覓賓朋忍看公等居然去便算先生自此升  
莫更一枝嫌枳棘鸞鳳棲託價應增

才華敢與命爭權枉爾文章色斐然妙手縱誇三絕技  
詩書畫俱工浮名不值一文錢短衣適國真無謂長鋏依人

已可憐畢竟得歸眠亦穩更誰謀汝舊寒飈

大江東去日茫茫送客無端又夕陽千古英雄多失路  
幾人落拓得還鄉在山本切投琴意到里應嘲壓石裝

倘見南園舊遊侶爲言予尙困名場

接張南山師書寄呈四首

寡過殊未能平生悔失學讀書不讀律吏治恐偏駁慨  
然念師資尙欲借磨琢惜我別函丈十載歎離索忽喜  
接師書提命儼如昨意厚語則精知病示良藥循誦意  
何窮感愧已交作

吾師方壯歲早稱著作才生徒接踵至公卿交口推我  
時雖頑鈍亦隨受業來但驚著述富豈識經濟恢側聞  
師治楚屢奠民大災至今江漢間歌頌聲如雷賢者固

不測抱負宏奇瑰

爲政尚風流管領佳山水廬阜有眞面非師孰識爾日  
對匡君山條感陶令里遂賦歸去來攀轅不可止

清時當仕進豈合慕黃綺而師寄託深翻然心獨喜謂  
有未著書亟歸理故紙吁嗟仕宦場逐逐困塵裏豈無  
欲歸人進退不由己

憶昔謁選時吾師贈詩歌年華方壯盛事業未蹉跎

二語

師贈服官忽三年師訓銘不磨雖不能雉馴亦不敢虎

苛獨憂治賦難逋欠民實多官民果相信何至煩催科

念此轉自懼敢云政調和師曾攝是邦事事親經過吉  
州非瘠土治究當如何

得廖彥峯書知改置嶺南賦此寄慰

一去天涯黯別情重傳書札倍心驚遷流展轉鄰鄉里

彥峯閩人官山東被議安置  
德州復緣事改置南雄州

垂老飄零仗弟兄

聞只一  
令弟同

行衣食本難憑估客文章終竟誤儒生十年前事誰能

料曾共明湖看月明

蠻煙瘴雨足驚魂往事淒涼且莫論誰分道途憐謝奉  
卻休風浪怨章惇人從黑獄傳詩卷天予青山記淚痕

君是異鄉吾故里梅花相憶各傾尊

憶大明湖

水媚山明付阿誰無人來拜易安祠關心一事難忘卻  
楊柳陰中聽畫眉

催科不得遣悶作詩

見民勞苦向民催數米論錢亦可哀始悟有田仍是累  
但能治賦恐非才何人甘作逃亡戶只我曾營避債臺

轉念豐年輕議減更將何術爲彌災

農民苦  
求減收

眼前清福讓人閒悵望川原淡蕩間春雨綠生臨水屋



夕陽黃到入村山也知艱苦惟行路誰免飢寒不閉關  
卻笑貧遭官長怒耕田猶道是民頑

抗久錢糧  
謂之頑戶

### 宿山家

屢駐遊車不厭頻能看山水是閒身雲邊粉壁白於酒  
雨後苗場綠染人畱犢投錢誰作牧殺雞爲黍我仍賓  
土牀拂拭君休笑終勝元規汚面塵

### 山村小憩判公事一牘而去

拚將生事逐塵寰暫息塵勞亦解顏未了憂疑催白髮  
已平恩怨愛青山農夫識字翻多累胥吏鈔詩轉不閒

大有老韓同傳意簿書叢裏水雲間

庚子秋闈分校

捧檄頻煩絡繹催重分鎖院愧非才暫拋案牘三千去  
又見單寒八百來屢照易疲愁鏡力知音難遇惜琴材  
吳巒得嫁終須嫁豈藉凡夫爲作媒

文章交契要眞知入手殷勤不厭披誰是探驪如賦客  
自慙射雀屬宵兒風前種草能重秀霧裏看花得幾枝  
最怕萬人齊仰首樓頭飛落沈佺期

作成貴寶豈嫌苛苦向他山借石磨仙界已聞官府足

人才或仗鬼神呵青鐙慘淡心如昨丹篆迷離夢易訛

鏡下闕殊卷  
頗費目力

畢竟琳琅埋不得意將求售轉摩挲

時規  
薦落

卷故詩  
中云云

茫茫塵跡有何憑忽地相逢感慨生

謂邱仲魚家  
桂山兩同年

一醉

異鄉爲伴侶廿年同輩幾公卿蹉跎易墮憐才淚卓犖  
羞傳下第名他日論文須記取蕭蕭風雨聽秋聲

張春槎司馬

涪

屬題柳院填詞圖

定知仙骨是君身絕世聰明不染塵種得靈和幾株柳  
風流都屬姓張人

子良詩存

卷四

七

性情豪邁亦溫柔活色生香一筆收若把新詞論幼婦  
小紅歡喜小青愁

便主詞壇理亦該從來司馬是清才怪他身有煙霞氣  
纔向江城畫裏來

文章終日校媼妍

時分校  
秋闈

忽聽清歌意欲仙恰是曉風

殘月候問誰解唱柳屯田

送趙蓉舫大理同年

光

典試江右還

朝

使星照耀風雲開魚龍鼓舞爭呈材要吞雲夢入胸去  
已向廬山識面來昔年科第聯鑣起回首韶華今又幾

卿相知君尙黑頭風塵愧我仍婪尾從來文采必風流

愛君跌宕乘軒遊長安花柳秦淮月

主試陝西江南韻事一一

騷人搜敬君弱冠已卓犖濟世經綸亦文學萬古詞壇

只兩家梁王園榭滕王閣

齊學河南

卽今秉尺臨是邦裁成

國士俱無雙一時美盡東南郡兩度遊兼左右江幸陪

試院煎茶地選材旣罷論文字謙抑長存下問心殷勤

總是憐才意嗚呼才多安得君盡收掄才轉爲才人愁

君今採取歸

皇州送君直上江天樓大江東去日夜流茫茫人事何

沉浮寒儒淪落心隱憂而君居高勢易周噓氣可以溫  
遐陬萬間要見突兀屋千丈盡予單寒裘九州才士競  
引領一士未起君毋休

酬黃樹齋少司寇同年罰滋見懷

聞道封章上

帝廷

一人獨許衆人驚誰言四海無長策此事千秋有定評  
便以歌吟作詩史豈宜談論共書生多君爲

國憂勞甚尚有看人萬里情

送文人從軍

君有一枝筆提攜廿載餘軍中無限用慎勿寫家書

漕吏

粟米如山人如水

國課早完民樂只民樂只漕吏不喜一解不喜尙可喜恐

殺我利重言甘官民之禍二解堆之圍之揚之吹之研而

驗之求其疵吏曰米可收所費已不貲三解索錢索粟吏

苦不足民愈蹙官愈蹙四解官欲治其源以問民民不敢

言今而後知漕吏尊五解民無田飢可憐民有田欠官錢

民欠官錢官憂煎漕吏乃大笑謂有善策官不以爲然

六解

送文德菴郡尊其道北上

萬里情隨五馬馳長安雪滿且傾危眼中豪傑原三輔  
意外功名更一麾花草精神蝴蝶夢郡尊有蝴蝶詩百首水雲心

事鷺鷥知吉安府白鷺洲還

朝幸是還鄉路卻望東山任未宜

從來宦跡等浮萍綽綽焉能滯客程鄉遠重違慈母意

擬請家貧終屬好官聲遭時遇合雖關數爲改近



國馳驅敢憚行三載憂勞誰頌德忽聞公去淚縱橫

喜余小寬秀才荃至有贈

君自西湖來衣帶西湖色展轉看君衣慨然感遊跡憶  
我初泛湖弱冠事行役續遊曾幾回倏及歲半百風月  
固不殊人事誰能測近聞定海縣海夷頗攻擊小醜何  
足云將士死可惜道遠傳異辭聽者心惕惕喜君抵掌  
來爲我談鋒鏑西湖幸無恙餘事且緘默卻念君清才  
湖山快閱歷偶作文壇戰勝喜敗亦得秋闈報罷豈無功名  
念終遜煙霞癖何時從君遊放浪湖之側盡釀西湖水

爲君縱酒力

老尉行

牙牙作語寒聳肩白頭老尉頹不顛苦守志節存其天  
自言需次五十年曾未授一官亦不名一錢人憐老尉  
不受憐謂老益壯窮益堅老尉何許人生長在關西幽  
燕氣兀傲至老頭不低老尉官爲家無妻尙有妾日聞  
交謫聲家貧恩不淡老尉有幼子教讀自苦辛斯民亦  
子耳撻子不撻民堂下胥與役弄法狡且悍自從老尉  
來紛紛鳥獸散長鬣相耳語主人太苦矣飢能驅僮僕

庭院冷於水我思老尉事囹圄是專職偶然閱囚獄隱  
有好顏色老尉重名譽卻不事上官樸拙令人親頓覺  
禮法寬吁嗟乎廉吏不可爲老尉至老不得歸名場潦  
倒甘如遺能吏雖能非所師不見申公與韓非刑名法  
術德易衰古來能吏能幾時身敗名裂家流離或仗老  
尉爲維持老尉名業偏遲遲吁嗟乎廉吏不可爲而可  
爲

登峻嶺絕頂得短句六章

羣峯勢競峙天縱使奮起卻截峯一角懸掛白雲裏

萬丈落平地地復  
企肩輿下上飛直以人爲戲  
狂雨亂腳底忽然點打頭山葉喧作勢不要呼雨鳩  
長灘繞作河灘落河重重河聲吼不聞但見騰白龍  
巖口吐奇石方丈廣且夷下有千仞涯坐石者不知  
倦遊便得夢夢見家住此左抱綠萼姝右顧赤松子

口占

煙出霧沒晨不敢發黃犢上阪鳥呼滑滑

山行

山行已忘宰官身騶從無端叱咤頻卻語猿禽莫相訝

三年前是在山人

山村卽目

不借雲泉淨洗顏  
眼無機事卽清閒  
地妨車馬村三折  
人共雞豚屋一間  
俗陋轉欣猶近古  
客來誰識是看山  
路旁野老疑聞笑  
笑我勞勞鬢已斑

見瞽者

升沉榮落古還今  
前路茫茫何處尋  
非是盲人本無淚  
不曾親見不關心

紀事

永豐古廬陵山水毓秀良先賢代不乏最著惟歐陽我  
來謁祠墓屹然臨瀧岡祀公西陽宮書院依其旁胡爲  
文教地近公轉荒涼非無膏火資無人爲振倡亟亟召  
生徒延師開講堂敢謂近先賢遂得接瓣香幾希繫人  
心此理叅毫芒

近聞明德鄉四者甚可喜能學古廬墓一爲羅孝子蓬  
垢而雨淚六年久如是父母相繼亡已亦身殉死又有  
三善門問姓吳劉李傳家俱數世不肯分居址一室無  
異爨百人繁食指向非敦孝友何以得有此此皆古所

希同時况同里鄉愚不讀書謂是常事耳敬當請

旌表使知厚俗美

永豐無奇產專重在菽粟旱潦豈能免所恃惟儲蓄乃  
者集紳民議倉謀建築綢繆及兩年喜已有成局雖然  
有成局更須計之熟毋令邑有穀而民歎枵腹

盈山種梓樹探實以爲油油既可獲利樹亦易有秋所  
以種梓人頗不事苛求寡婦及幼穉無錢隨採搜今則  
殊不然錙銖計必周婦穉尙不容攘奪相仇讐爭訟在  
公庭家破訟未休近聞植梓地礎瘠少所收天心厭澆

薄愚蒙安知憂

我初下車時問俗俗不悍胡爲公堂上疊疊報命案久之得獄情輕生實過半借以牽富家奸胥助鍊鍛且謂官下鄉夫價索無算此則清白吏必當自剖判一錢不擾民懸牌使衆看

爲政已三年愧未書樂康一年三百六二百日在鄉本非催科才更值疲做邦百姓亦有辭謂遭連歲荒安能數歲通責以一歲償積重則難反似亦情可傷上官雖愛民能勿征錢糧簡書日督促報解常未遑搔首重脚



蹶飢餓燒枯腸

郭豐可秀才

騰霄

榜其室曰死過來并作死過來

記索詩

曩未見郭子先讀郭子文真罕上訴有生氣卽讀其文  
知其人文章理可通性命聞郭子事信益真郭子健者  
不肯病一病擺脫超凡塵黃沙大漠蒼莽屋恍惚過處  
皆浮雲忽復開眼見塵世如夢得覺屈得伸自從經過  
此一境觸處會悟疑有神功名富貴等泛泛語言文字  
徒紛紛以死過來榜其室未死過者應疑瞋世人視死

爲苦事生亦不免無病呻我聞求死且不得處士愛名  
不愛身曹蜍李志生亦死幸而免耳何足云羨君生死  
任來去地自長夜天長春嗟我墮地將半百奔走備歷  
諸艱辛浮生所欠尙一死只此一事先輪君見君我更  
有所說生死關頭人鬼分身入地獄不見鬼此意勿與  
凡人論記云所過疑是地獄  
前未嘗見已故人

答羽可豐可昆仲同年惠益山

君知我乏買山錢爲我好山分一角居然眼底舊泉石  
豈獨胸中小邱壑雙雙玉筍鬪玲瓏片片閒雲入簾幙

君家兄弟並卓犖贈我雖同意則各勸我洞天學仙子

勉我名山盛著作

羽可所贈曰名山千古  
豐可所贈曰洞天一品

感君贈我意

不凡愧我塵中苦束縛老瓦盆今亦拋卻出山何如在  
山樂對山突兀恣狂酌興酣妙想從天落便欲齊翻縮  
地經不然或借五丁鑿盡取名山列几筵與君閉戶遊  
五嶽

盆石銘

盆中石不如巖中石可寶盆中石好巖中石老

元夜書懷

春風初暖雨初晴行樂看渠鬧滿城土木偶人俱作態  
青紅兒女不無情何當寂寞酬佳節終喜喧嘩是笑聲  
杯酒莫忘家

國事崑崙今夜正傳兵

時因粵中外夷滋事調兵  
江右永豐營亦奉調檄

### 催船

縣官奔走役曠此催船船夫有怨色豈獨不惜爾筋力  
官家有程誤不得農輸粟米爾力役况計爾勞償爾值  
爾民一飽皆

恩澤

聖人爲爾切飢渴嗚呼安得船有翼飛入江南濟人食

時江南

歲荒

拙集校定東羽可同年

總是浮生未了因東西南北寄吟身名山業重誰千古

羽可惠予盆山貯

名山千古四字孤館燈寒只兩人

商校拙集常此事宜夜深不輟

定憑神物護論文難得友朋親塵勞敢負耽詩癖心血

消磨轉自珍

行路難二十首

福基禍倚誰能保雞鳴而起苦不早豺狼豈必遂當道

子良詩存

卷四

五

獲罪從來在懷寶行路難  
戒早發路旁有客語竊竊昨  
日橋頭見人血

來日大難此日可惜  
古人秉燭事遊劇胡爲入暮尙行  
役深谷高陵况漆黑行路難  
夜淒迷月欲照我不得低  
大風將月吹過西

有出病夏畦無田冒暑走路歧  
夏畦不及暑路疲走者  
轉被畦者譏鋤禾正急爾何爲  
行路難日炙地旱農望  
雨雨不至雨盡化作汗與淚

長安酒價日日高  
五陵年少顧盼豪  
歸來耳熱卸錦袍

銷金帳底醉語驕行路難北道上雪花打人大如掌馬  
腹滅沒馬首仰

出門百日不見天黑雲礧礧壓馬顛陰帝鬼馭催神鞭  
破空捲地誰敢前行路難狂雨警神龍在天蛙在井打  
頭破屋小於艇

水由地中行水有定地無憑滄海日少田日增地不受  
水水上騰行路難暴漲惡漲退殘垣痕錯落懶蛇蜒  
上屋角

英雄一日食萬錢萬錢食盡飢可憐索米王侯門門者

怒視不敢前行路難且加餐主人雖惡客勿言肚飢不  
食荆棘丸

未出鄉關先使難曷不功名老戶限峻嶺巉巖猶在眼  
行路難度梅嶺嶺底殘骨上嶺頂行人側走悸不省下  
有老鴉啄人影

一波未平一波起老蛟噴沫石作齒齒利如錐刺船底  
船夫馭船顏色死行路難十八灘身經惶恐得萬安爲  
語過灘人萬安要作惶恐看

人生無地無風波何必定在江與河波生平地無人識



爲語江波變不測行路難大江東少年欲借周郎風狂  
風未到心忡忡眼前魚服皆白龍

五嶺不入中原山飛巖走壑奇且頑百重瘴癘煙雨斑  
古來遷流幾人還行路難蒼梧野老鴟叫血叢林下客  
爾何爲獨行者

我生有豪興妙想作泛宅一舟載美人一舟載騷客結  
隊笙歌叢把臂文章伯煙波佳處皆遊跡便老江湖亦  
不惜吁嗟此願償未得澤畔行吟自悽惻行路難洞庭  
湖極八百里煙模糊君山一點孤客孤

朝亦渡黃河暮亦渡黃河渡河不易渡者多爭渡弱伏  
強叱呵行路難河之涘臨河不返非得已濁河可憐濁  
到底

安得千仞山化爲一丸泥泥復化爲地平坦無高低山  
不平人事亦爲之不齊行路難泰山石挫人筋骨碎人  
魄上有神仙下鬼伯

匹夫崛起爭要路除卻功名更何慕平生嗜好卻弗顧  
雖有人事無天趣行路難彭城下是真豪傑情難假既  
愛美人又愛馬望鄉淚向江東灑

舊時城郭今墟邱登臨安得涕淚收天子無愁過客愁  
惜哉君王鏡裏頭行路難悲汴梁離宮柳老香草荒何  
不買田住雷塘

翻雲覆雨古如此幾見銜恩報知己破家結客誇得士  
士乃碌碌因人耳行路難感趙州盛時賓客衰卽休胡  
爲遽斬美人頭

碧玉抱卽綠珠死一樣美人死更美薄倖青樓何足齒  
繁華過眼眞流水行路難莫回首蘇臺花秦淮柳美人  
愛客醉客酒客再來遊美人醜陸郎斑駁亦如狗

無端仰屋鬱不樂利鎖名纏苦束縛何不守爐鍊丹藥  
藥亦無靈雙淚落行路難所悲乃在蓬萊之島扶桑之  
津徐福入海求仙人求仙未得先亡秦君獨不見鼎鼎  
皆古蹟

臣之壯也不如人身將隱矣焉用文勞勞塵海春復春  
故鄉咫尺疑迷津行路難盍歸休息歸不得夢羅浮梅  
花片片打我頭